

Incumbensa Cramerì concernent in'adattaziun dal dretg penal da surpassament e dals custs da procedura

Ils chantuns han il dretg da normar il dretg penal da surpassament, uschenavant che quel n'è betg object da la legislaziun federala. Ultra da quai pon ils chantuns smanatschar cun sancziuns las cuntravenziuns cunter il dretg administrativ chantunal e cunter il dretg processual chantunal (art. 335 CP). En il dretg grischun datti numerus causals penals che ston vegnir examinads: I sto vegnir examinà, sche causals penals sco disturbis e mulestas massivas (art. 36f lescha da polizia) u la visita dal parc naziunal da scolars e da gruppas da giuvenils senza guid (art. 3 al. 1 ordinaziun davart il parc naziunal) correspundan anc al temp.

Numerus delicts vegnan chastiads en la procedura da multas disciplinaras, sco per exempel betg avoir cun sai il permiss da manischar, surpassar fin ad ina tscherta limita il pais permiss u la sveltezza maximala permissa. En la procedura da multas disciplinaras na vegnan adossads nagins custs (art. 7 LMD). Sche las limitas enumeradas en l'ordinaziun davart las multas disciplinaras vegnan surpassadas, sto vegnir realisada ina procedura penala ordinaria. En las proceduras penals ordinarias smanatschan a las burgaisas ed als burgais savens custs da procedura smesirads: Ils custs da procedura pon importar pliras giadas la multa pronunziada – e quai savens per delicts da bagatella sco tralaschar a meglra vista da marcar rodas dublas externas da 20 cm vi d'in tractor. Ultra dal princip da commensurabladad vala sco devisa che adossar custs da procedura na dastgia betg esser ina sancziun penala: Sch'ils custs da procedura surpassan però la multa pronunziada per pliras giadas, daventan ils custs da procedura facticamain la multa, e la multa (la sancziun sco tala!) daventa ina chaussa secundara! Quai cuntrafa als princip generalmain reconuschids. Ultra da quai avess la pronunzia d'ina admoniziun savens in pli grond effect sin las delinquentas ed ils delinquentas ch'ina procedura penala che dura mais e che finescha la finala cun ina pitschna multa, cun auts custs da procedura e cun in effect preventiv minimal.

Las sutsegnadras ed ils sutsegnaders incumbenseschan perquai la regenza:

1. da suttammer ils causals penals chantunals a l'examinaziun, sch'els èn necessari e cunvegents, e da far in rapport ed ina proposta al cussegl grond, d'als abolir sche pussaivel;
2. da s'engaschar per in'extensiun dal catalog da delicts en la procedura da multas disciplinaras;
3. da s'engaschar per in sistem d'admoniziun empè da pronunziar sancziuns penals en cas da surpassaments minimalis;
4. da prevair custs da procedura commensurads en cas da delicts minimalis, che na surpassan betg u betg essenzialmain la sancziun pronunziada.

Cuira, ils 25 d'october 2018

Cramerì, Claus, Niggli-Mathis (Grüsch), Aebli, Alig, Berther, Berweger, Bettinaglio, Bigliel, Bondolfi, Brandenburger, Brunold, Caluori, Cantieni, Casty, Casutt-Derungs, Cavegn, Caviezel (Tavau Clavadel), Censi, Danuser, Degiacomi, Della Cà, Deplazes (Rabius), Derungs, Dürler, Ellemunter, Engler, Epp, Erhard, Fasani, Favre Accola, Felix, Florin-Caluori, Flütsch, Föhn, Geisseler, Giacomelli, Gort, Grass, Gugelmann, Hardegger, Hartmann-Conrad, Hefti, Hitz-Rusch, Hohl, Holzinger-Loretz, Hug, Jenny, Jochum, Kasper, Kienz, Kohler, Kunfermann, Kunz (Fläsch), Kunz (Cuira), Kuoni, Lamprecht, Loepfe, Loi, Maissen, Märchy-Caduff, Marti, Michael (Donat), Michael (Castasegna), Mittner, Müller (Susch), Natter, Niggli (Samedan), Papa, Paterlini, Pfäffli, Rettich, Ruckstuhl, Rüegg, Salis, Sax, Schmid, Schneider, Schwärzel, Stiffler, Tanner, Thomann-Frank, Thür-Suter, Tomaschett (Breil), Tomaschett-Berther (Trun), Ulber, Valär, von Ballmoos, Waidacher, Weber, Wellig, Widmer (Favugn), Widmer-Spreiter (Cuira), Wieland, Zanetti (Sent), Bürgi-Büchel, Nicolay